

## **KOLOSE** **Pê Chyáng Hun Kat é Laiká** **(Colossians)**

<sup>1</sup> Garai Gasâng eq hkyin yù mù, Hkrisduq Yesuq é lagyo dut sù, ngò Poluq eq nga-nhông é gumang Timohti gi,

<sup>2</sup> Kolose wà mó má nyi bang nghut é, Hkrisduq má chyoiyúng bang nghut é, lhumzuí é gumang wui chyáng dang kyô kat lhê. Nga-nhông é Íwa Garai Gasâng chyáng mâ é jeju eq nguingón hkyô gi, nungmoq chyáng ru joq nyí sháng gaq.

### *Jeju Hkya-ôn É Eq Kyûdung É Dang*

<sup>3</sup> Ngamoq gi, nungmoq é matú kyûdung byî é hkûn, nga-nhông é Yhumsîng Yesuq Hkrisduq é Íwa nghut é Garai Gasâng lé ayang jeju hkya-ôn lhê.

<sup>4</sup> Haî mù gâ le, Hkrisduq Yesuq má nungmoq lumjîng hkyô eq Yhâng é sân-yúng bang banshoq lé nungmoq chyitdap é hkyô lé, ngamoq wó gyô é yanmai nghut lhê.

<sup>5</sup> Lumjîng myit eq chyitdap myit haû gi, nungmoq é matú mauhkông htoq má hkong to byî é myit myoqbyù hkyô\* mai lo é nghut lhê. Myit myoqbyù hkyô haû lé gi, nungmoq chyáng jé to bê gabú danglù nghut é tengmán mungdang mai, nungmoq wó gyô to gû nghut lhê.

<sup>6</sup> Nungmoq gi, gabú danglù haû lé wó gyo luî, Garai Gasâng jeju eq sêng é tengmán hkyô lé sé

---

\* **1:5** Bun zo shí má bo é *myit myoqbyù hkyô* gi, Yesuq lé taî é nghut lhê.

hkyang é buinyì mai, nungmoq chyáng ashì zuì é eq kô myhang nyì bê nghut é eq rajung za, gabú danglù haû gi, mingkan gón má ge é ashì zuì nyì é eq kô myhang nyì bê nghut ri.

<sup>7</sup> Nungmoq gi, haû hkyô lé, ngamoq é chyitdap byinzùm Epahpra chyáng mai mhoq yu é nghut lhê. Yhang gi, ngamoq é gunglik dông, Hkrisduq é lhumzuì é hpúng mú wùn sù nghut lhê.

<sup>8</sup> Yhang gi, haû Woi-nyì èq nungmoq lé byì tô é chyitdap hkyô lé, ngamoq lé taì kyo sù le nghut ri.

<sup>9</sup> Haû nghut é yanmai, ngamoq gi, nungmoq eq sêng é hkyô lé wó gyô é nyì mai, nungmoq é matú ayang kyûdung byì nyì lhê. Garai Gasang ô nau é hkyô lé sé râ hpaqchyì lé, woi-nyì eq sêng é hpaqchyì byéng-yá eq sê gyô é nyan banshoq dông mai nungmoq chyáng lhoq pyíng byi sháng gaq nghû, Yhâng chyáng kyûdung byì nyì lhê.

<sup>10</sup> Haû su kut kyûdung byì é gi, haû Yhumsîng ô nau é hkyô eq gingdán é dông nungmoq asak wó duì luì, hkyô hkamgómá má Yhang lé wó gabú nhâng râ matú nghut lhê. Hau dông mai, nungmoq gi, ge é muzó hkamgómá má ashì zuì nyì luì, Garai Gasang lé sê é hpaqchyì má kô myhang nyì kó râ nghut lhê.

<sup>11</sup> Hau htoq agó, nungmoq gi, Yhâng é hpung-wup a-tsam dông mai a-tsam banshoq èq wum-o lhoq kîng byì é huì nyì kó râ nghut lhê. Haû mù, nungmoq gi, gyai hkam jân é hkyô eq myit hing é hkyô lé, gabú myit mai wó yû kó râ nghut lhê.

<sup>12</sup> Maubó é mingdán má, sân-yúng bang eq sêng é muizè lé wó bo hkam yù râ matú, nungmoq lé gingdán nhang é sù haû Íwa lé le, jeju wó hkya-on

kó rã nghut lê.

<sup>13</sup> Hkâsu mù gâ le, Îwa haû gi, nga-nhúng lé, mauchut èq up é hkaú mai hkyi htoq yû luî, Yhang chyitdap é Yhang Zô é mingdán má shuî hâng é Sû nghut lê.

<sup>14</sup> Nga-nhúng gi, haû Yhang Zo đông mai, hkyi xe yu é hui mù, yubak mara hkyut pyám byí é hui bê nghut lê.

*Jung Hkangmó É Ushuq, Hkrisduq*

<sup>15</sup> Hkrisduq gi, myoq èq a byu-myàng é Garai Gasâng é gunghkyâng isâm nghut luî, zomún đông hpan tô é lhunglhâng htoq má gyaú é sù nghut ri.

<sup>16</sup> Hkâsu mù gâ le, mauhkûng eq myigùng htoq má joq é azíng zê pé, myoq èq byu-myang é eq a byu-myang é pé nghut kôle, hkohkâm ayá pé, a-tsam pé, uphkâng bang, ahkáng ayá wó bang nghut kôle, lhunglháng gi, Yhâng èq hpan to huí é chyat nghut lê. Lhunglháng gi, Yhâng é matú, Yhâng èq hpan to huí é chyat nghut ri.

<sup>17</sup> Yhang gi, lhunglhâng é hí mâ é nghut mù, lhunglháng gi, Yhâng é yanmai joq gîng bum é chyat nghut lê.

<sup>18</sup> Yhang gi, noqkuq hpúng ngu é gungdú é ulhum nghut ri; Yhang gi, jung hkangmó má gyaú dik é ushuq dut sháng gaq ga, sâng-hi awang nghut sù eq shi é bang mâ é hí dui toq é zomún dut sù nghut ri.

<sup>19</sup> Hkâsu mù gâ le, Garai Gasang gi, Yhâng é byíng jup hkyô banshoq, Yhang Zo má joq nyi rã lé myít nguì ô nau é nghut mù,

<sup>20</sup> haû tapzîng má htoq byí é Yhang Zô é sui đông mai nguingón hkyô kut byí é èq, myigùng htoq mâ

é azíng zê nghut nghut, mauhkûng mâ é azíng zê nghut nghut, lhunglhang lé, Yhang Zo đông mai, Yhang eq nguingón simsaq hkyô xoq yû bê nghut ri.

<sup>21</sup> Nungmoq gi, Garai Gasang eq wê gâng é bang dut wú kôluî, nungmoq é agè ashop nyi yap sâmlai é yanmai, nungmoq i-myt má, Yhâng é gyè dut wú bekô nghut lhê.

<sup>22</sup> Nghut kôlhang, ahkuî, Garai Gasang gi, nungmoq lé, râ é hkyô a bo é eq mara hûn râ hkyô a bo é za, chyoiyúng é đông Yhâng é hí má shit râ matú, Hkrisduq é gungsho gungdu shî hkâm é đông, nungmoq eq nguingón simsaq hkyô xoq yû bê nghut ri.

<sup>23</sup> Haû gi, gabú danglù mai wó yu tô é myoqbyù hkyô mai a htot byuq é za, kô myhang nyi é eq gingtîng nyi mù, nungmoq é lumjîng hkyô má xoq nyi nyi é nghut jáng sheq dut râ nghut lhê. Gabú danglù shî gi, nungmoq wó gyô wú bê nghut é htoq agó, mauhkûng ô má hpan tô é jung hkangmó lé hko kyô nyi bê nghut lhê. Ngò, Poluq le, gabú danglù hau é dui-nhâng zoshâng dut é nghut lhê.

### *Noqkuq Hpúng É Matú Poluq Wùn Waq É Hkyô*

<sup>24</sup> Ahkuî, ngò gi, nungmoq é matú jamjau huî é má gabú lhê; hau htoq agó, Hkrisduq é gungdu nghut é, noqkuq hpúng é matú, râ tô ashî nghut é, Yhang hpuzô é hkyô lé, ngá é gùng má ngò lhoq gumjup yu nyi lhê.

<sup>25</sup> Ngò gi, Garai Gasâng é mungdang lé, nungmoq chyáng gumjup shoq hko kyo râ matú, Garai Gasang, ngò lé hun tô é wò mai, noqkuq hpúng hau é mô wùn sô dut é nghut lhê.

<sup>26</sup> Mungdang haû gi, gohkûn mai apyat pyat haq tô gyó lo é zaú tô é hkyô nghut kôlhang, ahkuî gi, haú sân-yúng bang lé hpông shit bê nghut ri.

<sup>27</sup> Garai Gasang, haû su kut é gi, zaú tô é hkyô hau é agùn agó hpungwup shingkan, tûngbaù pê chyáng hkâsu nghut é hkyô, yhangmoq lé sé nhâng râ matú nghut lhê. Zaú tô é hkyô haû gi, hpungwup shingkan lé myoqbyù é hkyô nghut é, nungmoq má Hkrisduq dui nyi bê hkyô lé gâ é nghut lhê.

<sup>28</sup> Hkrisduq má gumjup é dông, byù yuq hkanmó lé wó shuí jé sháng gaq nghû, ngamoq gi, Hkrisduq é hkyô lé taî pyô luî, yuq hkanmó lé, hpaqchyî byéng-yá banshoq èq taî pun taî kyîng é eq mhoshit nyi é nghut lhê.

<sup>29</sup> Ngò, haû-í yhang wó wùn waq shikut é gi, ngò má wum-o a-tsam byíng byíng mù zuî nyi Su é wum-o banshoq èq wùn waq shikut nyi é ru nghut lhê.

## 2

<sup>1</sup> Ngò gi, nungmoq é matú le, Ladoki wà mó bâng é matú le, ngò eq myoqdong hkyûm a huî wú shî é bang banshoq é matú le, hkâ-í yhang awui ahke shikut nyi é hkyô lé, nungmoq lé sé nhâng nau ri.

<sup>2</sup> Haû su awui ahke shikut é hkyô gi, yhangmoq, myit má wum-o byî é hui râ eq chyitdap myit má rading ralhum za wó dut râ matú nghut lhê. Haú hkûn, yhangmoq gi, Garai Gasang é zaú tô é hkyô nghut é, Hkrisduq lé wó sé râ matú, sê gyô é nyan lhunglhâng é isut byíng shoq lé wó yû kó râ nghut lhê.

<sup>3</sup> Haû Hkrisduq má kúm gi, hpaqchyî byéng-yá eq sumsé hpaqchyî gâ é sutzè lhungháng lé tsíng tô ri.

<sup>4</sup> Nungmoq lé ngò haú hkyô taî kyô é gi, ó yuq le, dang ngón dang ngui èq mhoq hpyoq é dông, nungmoq lé a wó mhaú zo râ matú nghut lhê.

<sup>5</sup> Hkâsu mù gâ le, ngá gungdu nungmoq eq rahá a nyî kôlhang, ngá é myit gi, nungmoq eq rahá nghut nyî luí, nungmoq shuq shuq tap tap za nghut nyî kô é eq Hkrisduq lé lumjínng é má hkâ-i gíngtíng nyî kô é lé myàng mù, ngò gabú nyi lhê.

*Hkrisduq Dông Mai Wó É Gumjup É Asak Dui Hkyô*

<sup>6</sup> Haû mù luí, nungmoq gi, Hkrisduq Yesuq lé Yhumsíng nghú hap yù bekô nghut é eq rajung za, Yhang má asak xoq dui nyi keq.

<sup>7</sup> Yhang má apûn amyit chîn gíng nyi mù, kô myhang lò luí, nungmoq mhoq yù bê eq rajung za, lumjínng hkyô má wum-o lhoq kíng mù, jeju hkya-ôn é hkyô byíng zan nyi keq.

<sup>8</sup> Hkrisduq chyáng mâ é a nghut é za, mingkan shî mâ é uphkâng tarâ pé eq xângzo wui é htungli cháng luí, mhaú zô é myit són hpaqchyî eq akyû a bo é dang dông, ó yuq èq le, nungmoq lé a wó shuí nghoq yù kó sháng gaq, sidiq nyi keq.

<sup>9</sup> Hkâsu mù gâ le, Garai Gasâng é gumjup hkyô banshoq gi, Hkrisduq é gungdu hkyangmân má lúng nyí mù,

<sup>10</sup> nungmoq gi, a-tsam bo é banshoq eq ahkáng ayá wó é banshoq é ushuq nghut é Hkrisduq eq sêng é bang nghut kômù, gumjup é bang dut bekô nghut ri.

<sup>11</sup> Yhang má, nungmoq gi, byu loq èq kut é ahpyo-kuq hpyit hkyô dông a nghut é za, ahpyo-kuq hpyit é su, Hkrisduq èq yubak gungsho mara lé hkyut sêng pyâm é hkyô lé hkam yù bekô nghut ri.

<sup>12</sup> Nungmoq gi, wui-myhup hkâm é hkûn Hkrisduq eq rahá myhup yhúm é hui bekô nghut mù, Yhang lé shi é mai lhoq dui toq yu é, Garai Gasâng é a-tsam lé nungmoq lumjíng kô é yanmai, Yhang eq rahá lhoq dui toq yu é hui bekô nghut ri.

<sup>13</sup> Nungmoq é yubak mara pê é yanmai le, nungmoq é yubak gungsho mara lé huí sêng pyâm é a hkam yu é yanmai le, nungmoq shi tô é hkûn, Garai Gasang gi, nungmoq lé, Hkrisduq eq rahá asak duì nhâng bê nghut ri. Yhang gi, nga-nhúng é yubak mara lhunglhang lé hkyut pyám byi luí,

<sup>14</sup> nga-nhúng eq shai lhum mù, nga-nhúng lé htuq htîng é, tarâ pé bo é jéyáng rá jihpán lé huí sêng pyám byi bê nghut ri. Yhang gi, haú lé tapzîng htoq má dok tap pyâm é dông yu pyám byi bê nghut lhê.\*

<sup>15</sup> Haú dông mai, a-tsam bò bang eq ahkáng ayá wó bâng a-tsam lé lang hkyut hkyô pyám mù, Yhang gi, tapzing èq yhangmoq lé ung pyâm é dông, byù pê é hí má yhangmoq lé de de kut to bê nghut ri.

<sup>16</sup> Haú mù luí, nàng haí zo haí shuq é yanmai le, noqkuq htûng eq sêng é poí buinyì, Lhoxan Lhosik

---

\* **2:14** *Yhang gi, haú lé tapzîng htoq má dok tap pyâm é dông yu pyám byi bê nghut lhê* gâ é gi, Hkrisduq tapzîng má shí hkám byí é hkûn, nga-nhúng é yubak mara banshoq lé, Garai Gasâng èq hkyut pyám byí é lé táí nau é nghut lhê.

poi, Bánno buinyi eq séng luî le, nungmoq lé, ó yuq èq le a wó jéyáng kó sháng gaq.

<sup>17</sup> Haú pé gi, dut lò râ hkyô pé é wupzo chyat nghut lhê; haû gùng gyíng gi, Hkrisduq yhang nghut nyi ri.

<sup>18</sup> Myit lhoq nyhum mhaû é eq maumang lagyô pé lé noqkuq é lé myit nguì é sù ó yuq èq le, nungmoq lé, chyunghuq eq a gingdán râ đông hkâkut nhâng kó. Haû su é yuq gi, yhumsîng byu-myang é lé† za taî shikut mù, yhumsîng é gungsho myit mai, akôm yhang nghut é lé gyáng dang taî é sù nghut ri.

<sup>19</sup> Yhang gi, Garai Gasang kô myhâng nhang é su, gungdu gón é gungsho showui showang pé eq shogyi pé lé htuqbang byi mù rahá lâng tsing tô é haû ulhum nghut é Hkrisduq eq xoq é hkyô lé byoq ló nhâng bê nghut ri.

<sup>20-21</sup> Nungmoq gi, Hkrisduq eq rahá, mingkan shî mâ é tarâ pé eq shi gang bekô nghut le nhîng, haî mù, haû eq sêng lhum nyi ashî kó lhú? "Hkâzui, hkâchyâm, hkâzáng." gâ é tarâ ô má nyi nyi ashi kó lhú?

<sup>22</sup> Haú pé gi, waxâng zô wui é hkunmó pé eq mhoqshit hkyô pé nghut é yanmai, jai chung é hkûn, htên byuq râ chyat nghut lhê.

<sup>23</sup> Haû sù é tarâ pé gi, yhumsîng yhang noqkuq shikut é, myit lhoq nyhum mhaû é eq gungdu lé gunjâng é pé nghut luî, hpaqchyî byéng-yá bo é su dut kôlhang, gungshô é agè ashop yut yut ô naù hkyô lé wó hkûm zing pyám râ má, hai akyû a bò nghut ri.

† **2:18** *Byu-myang é lé gâ é gi, yhang myit htoq é shing-rán lé gâ lhê.*



## 3

*Chyoiyúng É Đông Asak Dui Râ Hkyô*

<sup>1</sup> Haû mù luî, nungmoq gi, Hkrisduq eq rahá lhoq dui toq é hui bekô nghut jáng, Garai Gasâng é loqyo hkyam\* má zung tô é Hkrisduq é jowò má joq é, ahtoq mâ é azíng zê pé lé myit ô nau nyì keq.

<sup>2</sup> Nungmoq gi, myidàm htoq mâ é azíng zê lé myit tuí é a nghut é za, ahtoq mâ é azíng zê lé myit tuí nyì keq.

<sup>3</sup> Hkâsu mù gâ le, nungmoq gi, shî bekô nghut luî, ahkuî, nungmoq é asak gi, Hkrisduq eq rahá, Garai Gasang má haq tô é hui bekô nghut ri.

<sup>4</sup> Nungmoq é asak nghut sù, Hkrisduq htoq shit é hkûn, nungmoq le, Yhang eq rahá, hpungwup shing kang hkaû má htoq shit kó râ nghut lhê.

<sup>5</sup> Haû mù luî, nungmoq é mingkan hkyô eq sêng é, ashop é đông gungsho zùm yap é hkyô, agot a-û nyì zô lhûm é hkyô, ye lhaí nau é hkyô, agè ashop yut yut ô nau é hkyô eq, hparà noq hkyô nghut é myoqnoq hkyô pé haî lé le sat pyám keq.

<sup>6</sup> Haú hkyô pé é yanmai, Garai Gasâng é nhikmo-yo hkyô gi, jìno a gyo bâng é ahtoq má† jé râ za nghut lhê.

<sup>7</sup> Laî lò bê hkûn, nungmoq le, haú hkyô pé đông sô wú kô é nghut lhê.

<sup>8</sup> Nghut kôlhang, ahkuî, nungmoq gi, nhikjum yô é, nhikmo-yô é, agè ashop é đông nò shoq kut é, lumù gansang é eq, nungmoq é nhutwuî mai

---

\* **3:1** *Loqyo hkyam* nghû é gi, ahko ahkáng wó é jowò lé gâ é nghut lhê. † **3:6** *Jìno a gyo bâng é ahtoq má*, gâ é dang, chyúmding ra-am má a bò nghut lhê.

hkunchoq taí é hkyô shí pé banshoq lé, yhumsing gùng yhumsîng tô pyám râ dut lhê.

<sup>9</sup> Rayuq eq rayuq hkâ-mhaû lhum kó; hkâsu mù gâ le, nungmoq gi, nungmoq é byù xau eq byù xaû é nyi yap hkyô lé hkyut pyám mù,

<sup>10</sup> byù sik lé tû wut yû kô é nghut lhê; byù sik haû gi, sumsé hpaqchyî dông mai, yhang lé hpân Su é gungdu isâm má asik jat lò nhang é huí nyi ri.

<sup>11</sup> Byù sik má gi, Grik eq Yudaq byù nghu é, ahpyo-kuq hpyit hkâm bang eq a hkâm bang nghu é, byù bíng eq byù jum nghu é, jùn eq jùn a nghut sù nghu é a nyi lô é za, Hkrisduq gi, banshoq nghut mù, banshoq má nyi nyi ri.

<sup>12</sup> Haû mù luí, Garai Gasâng èq hkyin yù huí é bang, Yhâng èq gyai yhang chyitdap é huí é chyoiyúng bang dông, shogyo myit, gè hkyô shit é myit, lhoq nyhum é myit, nú nhâm é myit eq myit hing é hkyô pé lé, yhumsing gùng yhumsîng mebu su wut to keq.

<sup>13</sup> Nungmoq yhangchang mara kut shut é hkyô joq é nghut jáng, hkam jan byí lhum luí, rayuq eq rayuq mara hkyut byí lhum keq. Haû Yhumsîng gi, nungmoq é mara hkyut pyám byí é su, nungmoq le mara hkyut byi keq.

<sup>14</sup> Haû ge é sâmlai banshoq wó é htoq agó, gumjup é rading ralhüm za dut é hkyô má, banshoq lé rahá wó tuí zing tô é chyitdap myit lé puq wut to keq.

<sup>15</sup> Nungmoq gi, nguínón hkyô wó râ matú ji yu é hui bekô nghut mù, gungdu ralhüm mâ é bang chyat nghut bekô yanmai, Hkrisduq é nguínón hkyô lé, nungmoq é myit má up nhang nyi keq.

Haû mù, jeju hkya-ôn nyi keq.

<sup>16</sup> Nungmoq, rayuq eq rayuq, hpaqchyî byéng-yá banshoq èq mhoqshit é eq lhoq pun lhoq kyíng lhùm é hkùn le, Garai Gasang lé nungmoq jeju bûn é myit mai, jihkyang dang, hkya-on mahkôn, woi-nyí eq sêng é mahkôn pé hkon é hkùn le, haû Hkrisduq é mungdang lé, nungmoq é myit nhiklum má agùn agó bò nhang nyi keq.

<sup>17</sup> Nungmoq haî wá kut kut, dang dông nghut nghut, zui saî é dông nghut nghut, banshoq lé Yhumsîng Yesuq é myîng mai kut é hkùn, haû Îwa nghut é Garai Gasang lé Yhang dông mai jeju hkya-on keq.

### *Hkristan Ikun Byu Pé Nyi Yap Râ Hkyô*

<sup>18</sup> Ikun myhî pé ê, ikun hpô pé uphkanq é ahkaû má nyi keq. Haû gi, Yhumsîng é hí má kut gîng é hkyô nghut lhê.

<sup>19</sup> Ikun hpô pé ê, ikun myhî pé lé chyitdap nyi keq. Yhangmoq lé dang htân hkâ-nyô kó.

<sup>20</sup> Zo wuî ê, jung hkanqmó má nungmoq é mó wui é jîno gyo keq; hkâsu mù gâ le, haû gi, Yhumsîng ô nau é hkyô nghut lhê.

<sup>21</sup> Îwâ pé ê, nungmoq é zo wuî lé myit hkâ-nô nhâng kó, nô nhâng jáng gi, yhangmoq, myit wum gyuî byuq kó râ nghut lhê.

<sup>22</sup> Jùn pé ê, hkyô hkanqmó má nungmoq é myidàm htoq mâ é jùn sîng bang uphkanq é ahkaû má nyi nyi keq; yhangmoq é myoq hí má za zui saî luî, myoqdong ho é dông a nghut é za, haû Yhumsîng lé gyuq hkunggâ é eq lhumzui é myit mai zui saî nyi keq.

<sup>23</sup> Nungmoq haî wá kut kôle, byu é matú kut é a nghut, haû Yhumsing é matú kut nyi é dông, nungmoq é myit nhiklum banshoq eq zui saî nyi keq.

<sup>24</sup> Haî mù gâ le, nungmoq gi, haû Yhumsing chyáng mai, muizè lé chyunghuq dông wó yû kó râ nghut é lé, sé kô é yanmai nghut lhê. Nungmoq dojaú nyi é sù gi, Yhumsing Hkrisduq ru nghut lhê.

<sup>25</sup> Kut shut sù gi, yhang kut shut é marâ matú dam byi é hui zo râ nghut lhê, haî mù gâ le, Garai Gasang gi, myoqdong hkyin é hkyô a joq.

## 4

<sup>1</sup> Jùn sîng bang ê, nungmoq é jùn pé lé, tengmán é eq gíng âng é dông lajang byi nyi keq; haî mù gâ le, nungmoq le, mauhkûng htoq má Yhumsing rayuq wó é lé sé kô é yanmai nghut lhê.

### *Xoq Lui Pying Kat É Hkyô*

<sup>2</sup> Nungmoq gi, kyûdûng é má myit zìng zuq nyi mù, machyâ luî, jeju hkya-ôn nyi keq.

<sup>3</sup> Ngò, shamtoq-tui hut huî nyi shoq dut é, Hkrisduq é zaú tô é hkyô lé ngamoq wó taî pyô sháng gaq, Garai Gasang gi, mungdang lé ngamoq taî râ hkyô hkum hpóng byi râ matú kyû bo dung byi kó laq.

<sup>4</sup> Haû Hkrisduq é zaú tô é hkyô lé, ngò taî âng é dông san za wó taî pyô sháng gaq, kyû bo dung byi kó laq.

<sup>5</sup> Nungmoq gi, a lumjìng bang eq zùm yap é hkûn hpaqchyî bo nyi keq; wó yu é ahkyíng hkanmó lé rago yhang chung jài keq.

<sup>6</sup> Nungmoq gi, yuq hkangmó lé hkâsu tû taí râ hkyô wó sé kó shoq, dáng nyo é má, xô èq nghám nhang é su, hkâ-nhám le jeju byíng é dang bo nyi sháng gaq.

*Ló Htâng É Shi-kyâm Dang*

<sup>7</sup> Tuhkiku gi, ngá hkyô eq sêng é danglù ban-shoq, nungmoq lé taí kyo râ nghut lâ. Yhang gi, ngá é chyitdap gumang, haû Yhumsîng má, lhumsuzi é hpúng mú wùn sù eq byinzùm nghut lâ.

<sup>8</sup> Ngò, yhang lé nungmoq chyáng nhang kat é hkyô gi, ngamoq chyáng dut nyi é hkyô lé nungmoq wó sé râ eq, nungmoq lé myit wum wó byi râ matú nghut lâ.

<sup>9</sup> Yhang gi, nungmoq chyáng mâ é nghut é, ngamoq é lhumsuzi chyitdap é gumang Onesimu eq rahá lé lo é nghut lâ. Yhangnhik gi, shî má dut nyi é hkyô jung hkangmó lé taí kyo kó râ nghut lâ.

<sup>10</sup> Ngò eq rahá htóng lúng sù Aristakuq gi, nungmoq lé shi-kyâm kat ri. Barnaba é yhâng za-aû Markuq le, nungmoq lé shi-kyâm kat ri. (Markuq eq séng luí pying kat é hkyô lé nungmoq wó yù to bê nghut mù, nungmoq chyáng, yhangjé lé é nghut jáng, lhóm hkûlum yù keq.)

<sup>11</sup> Yustu le gá é Yesuq le, nungmoq lé shi-kyâm kat ri. Garai Gasâng é mingdán matú ngá é byinzùm mù zui bang má, haû bang za Yudaq byu pé nghut kômù, yhangmoq gi, ngo lé nhik tíng byí é bang nghut akô.

<sup>12</sup> Nungmoq chyáng mâ é byù nghut sù eq Hkrisduq Yesuq é mù wùn sù, Epahpra gi, nungmoq lé shi-kyâm kat ri. Nungmoq gi, Garai Gasang ô nau é hkyô lhunglhang má hkyak lùm to mù, gumjup

lú wó gíngtíng nyì sháng gaq ga, Yhang gi, ayang nungmoq é matú kyûdung shikut byî nyi ri.

<sup>13</sup> Nungmoq é matú le, Ladoki wà mó eq Hera-poli wà mó bâng é matú le, yhang gi, gyai yhang mù zui shikut byî é hkyô lé, yhang é matú ngò saksé hkâm lhê.

<sup>14</sup> Ngamoq é chyitdap chi sará Lukaq eq Demaq gi, nungmoq lé shi-kyâm kat akô nghut ri.

<sup>15</sup> Ladoki wà mó mâ é gumang wuì lé le, Numhpa eq yhâng yhûm mâ é noqkuq hpúng lé le, bo shi-kyám byi keq.

<sup>16</sup> Laiká shî lé, nungmoq lé nghap kyô é htâng má, Ladoki byu pê é noqkuq hpúng má le nghap nhâng mù, Ladoki wà bâng chyáng hûn kat é laiká lé le, nungmoq nghap wú keq.

<sup>17</sup> "Haû Yhumsing chyáng mai nàng hap yù to bê é muzó lé rago za lhoq pán pyám aq." nghû, Arhkipo lé taî kyo keq.

<sup>18</sup> Ngò, Poluq gi, ngá é loq èq yhang shi-kyám dang shî lé kê kat é nghut lhê. Ngò, shamtoq-tui wut tô é lé bûn nyi keq. Jeju gi, nungmoq chyáng ru joq nyî sháng gaq ô.

# **Chyoiyúng chyumlaiká: dangshikaq asik; Zaiwa**

## **New Testament in Zaiwa**

copyright © 2009 Wycliffe Bible Translators, Inc.

Language: Zaiwa

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9781921445408

### **The New Testament**

in Zaiwa

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

23f9fc55-a8a4-59ef-9513-707ec336b0ee